

金其不勝虔切之至

亞獻

具位其上啓

火部帝君官吏一切真靈伏聞高在上建
玄曹而賞罰無違切切由中扣蒼穹而禍福
必應既齋壇之告備復醮幣之重陳結志同
誠已勤幅悃齋心錫福諒副忱忱伏願樂官
恭等始自今時終至他日處處之門闌樂事
家家之院宇歡聲庭戶開祥啟處不罹於小
厄室家胥慶起居無撓於纖塵亘百世而舊
舍猶存閱千歲而弊廬無恙天災雨散免焦
壩斷礎之虞人火冰清無曲突徙薪之慮從
老至幼由公及私均游宴於青春永茂猶於
白日里閭安泰井落康寧朝誦夜弦萬壽詩書
於桑梓冬裘夏葛守文憲於蓬茅蒙如其切
之祈式副皈依之悃其不勝激切之至

終獻

具位其上啓

三清上聖十極高真玄壇內外一切真靈伏
聞情見乎辭媿敷陳於匪敬儀不及物復莫

厥之非華尚希洒宥之恩由賜生全之澤河
澄月淡恍夜漏之將中斗轉雲橫覺清宵之
已半無從攀戀惟刺瞻馳其下情無任虔切
之至稽首再拜奉送

舉回轡頌

詣焚燎

餞聖

向來

靈寶領教濟度金書卷之二百五十五

靈寶領教濟度金書卷之三百五十六二百五十七二
百五十八同卷

洞微高士開光啟者其人審全具授

靈寶通文弘敷水雨先生林靈真編

科儀立成品禮壇用

早朝行道儀

燒香頌

各禮師存念如法

衛靈呪

青陽虛映 曜日回靈 神虎辟邪 飛天流鈴

推好滅試 萬魔東形 九微回道 八威攝精

千真校錄 三元滂濟 左彌中黃 右策六丁

七轉八合 周旋天經 聖化巍巍 三道順行

慶雲流布 合景黃庭 和輿道合具

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝關啓玄壇天帝神君當召此間土地里

域真官正神急上關啓臣今奉為人書以今

清旦升壇行道願得玉清道炁靈寶妙炁下

降泥八臣等身中令臣所啓速達逕御
太上元極大道至真玉皇上帝御前

請稱法位

具位臣某與臨壇官眾等謹同誠上啓

虛元自然元始天尊元極大道太上道君太
上老君高上玉皇上帝神霄玉清真王長生
大帝高上神霄玉清真王青華大帝九天應
元雷聲普化天尊九天雷祖大帝上清紫微
碧玉官太乙大帝六天洞淵大帝六波天
主帝君可韓司丈人真君九天採訪使真君
雷霆九司諸天省府東華西靈執職真衆天
曹萬福真君主執百司官典洞天福地得道
神仙水司陽陰陸社之神三界官屬一切真
靈臣聞元始開圖散神風於混洞虛皇御運
昭聖日於鴻濛八圓陶駘蕩之輝十極被涵
濡之澤道包無外制劫運以長存仁決有垠
溥範圍而水御際天共仰蟠地同依臣等坎
爻無庸睇眴可笑窺枕中之鴻寶自樂林深
閱窓外之駒陰徒懷水逝功莫脩於消縷過
已積於爛陵弘道憲天誓秉丹青之信學真

領教期堅金石之忱凡有皈依盡為控告况
奉詞旨敢不上聞

宣詞

按如詞旨披露已周臣聞三光全而寒暑平
天時有喜五穀熟而人民育地利無私四靈
共樂於生萬姓齊欣於化化胡然妖戾厥
號螟蝗群飛蔽天聲振山林而莫極陣遊掩
日形趨井落以無涯因經從而莖葉皆空為
停止而根莖俱槁禾稻盡損黍稷無收望田
畷以攬眉企老農而側目閔焉望歲默黎行
見其但飢覲爾有年兆庶難求其頓匍匪願
天而請命徒扣地以飛神爰爾鳩廬庸築貌
座旌花容與雲錦振響於三成旌葆歲鞋月
啓流吹於九奏鳳繒效款龍壁投誠降浩劫
之真尊輅虛无之元聖為齋主某等被除戾
炁辟斥妖蝗俾無蠹蝕之憂復遂登成之願
千畦秀實萬頃豐稔以今早朝行道請法眾
等運炁初捨上香
願此香烟騰空徑上供養
无上至真道寶臣等皈身皈神皈命五體投

地仰依

太上三尊願以是香功德上祝

皇帝陛下伏願六龍御天八駿行地摩霄日

觀等毒域於蒿衡接漢雲瀛衍福基於溟渤

御履而車書萬里垂衣而玉帛一家紫宸朝

班奏夏謨之允治黃麾晚仗歌周雅之太平

今故燒香自皈依

師尊大聖眾至真之德得道之後保天長存

和與道合真

以今早朝行道請法眾等運炁二捨上香

願此香烟騰空徑上供養

无上至真經寶臣等皈身皈神皈命五體投

地仰依

太上三尊願以是香功德歸流內廷百司外

藩庶牧伏願推誠寅亮同德贊襄日永槐庭

溥九圍之禮樂風清棘寺敷四極之詩書十

連披拂於仁風萬井濛濛於化雨政敷三異

釀成禱禱之歌惠萬一同益茂絃歌之俗今

故燒香自皈依

師尊大聖眾至真之德得道之後升入無形

和與道合真

以今早朝行道請法衆等運茲三檢上香

願此香烟騰空徑上供養

无上至真師寶臣等皈身皈神皈命五體投

地仰依

太上三尊願以是功德歸流九州四海萬姓

三軍伏願誦歌愛日鼓舞仁風萬國朝元九

服悉歸於帝化八遐拱極十華均被於王功

干戈之利刃韜藏金革之兵威或伏櫛關月

淡勿飲馬於邊陲柳塞烟輕任牧牛於微障

今故燒香自皈依

師尊大聖衆至真之德得道之後長享自然

和與道合真

禮方 識方

三格

樂法以爲妻 愛經如珠玉 持戒制六情

念道道所欲 淡泊正炁停 蕭然神靜默

天魔並敬護 世世受大福

三禮

臣等至心稽首禮

太上无極大道

臣等至心稽首禮

三十六部尊經

臣等至心稽首禮

玄中大法師

重稱法位

具位臣等與臨壇官衆等謹同誠上啓

虛无自然元始天尊无極大道太上道君太

上老君高上玉皇上帝神霄玉清真王長生

大帝神霄玉清真王青華大帝九天應元雷

聲普化天尊九天雷祖大帝上清紫微碧玉

宮太乙大帝六天洞淵大帝六波天主帝

君可韓司丈人真君九天採訪真君雷霆九

司諸天省府東華西靈執職真衆天曹主執

洞天福地得道神仙水司陽祭隍社之神三

界官屬一切真靈臣聞玉宇浮沉示龍文於

五劫金書隱顯煥風炁於九霄封山澤而制

蛟虬禁毒精而役虎豹天上下承無違

陰閉陽開敬聽罔聞況此天堯之變率由庚

炁之生今齊主共等明發九思崇朝三獻二

禾甫給修遺蠶食之憂五穀將豐忽際狼食

之患道遠若雨膝岸如雲恐三登之無期將

四郊之易望深慮積生踐履累劫躬行尚駟

淫而好矜誇務故僻而慕邪侈嘔星指月怨

暑咨寒豐衣足食而罔念從來大宅良田而

莫思所始心不生於慚愧口惟業於譏評致

降天災未全民用自匪慙慙而致禱何由首

謝以陳情是以燒香散花懺過浮黎之土修

齋行道乞憐劫切之臺莫渙德音即頒溫詔

救土地之神吏斷此凶殃勒里社之靈司除

茲惡孽庶得鄉閭絕迹里閭沉蹤來龍叢叢

無入地之遺種稻畦粲粲有沉水之餘聲高

下之曠俱登早晚之田皆熟蒙如丹禱允拜

玄恩上願地紀靜安天網寧謐日星輝潤風

雨均調山峙川流八表慶金穰之瑞木蒼草

秀四時調玉燭之和麥產雙岐禾生同穎家

給人足村村自樂於先天俗泰時平處處咸

歡於舜日旁資舍默均戴生成則上明

天尊大慈之化下副齊主皈命之誠謹啟以

聞

發願念

一念為道四大合德齋主七世父母免脫憂苦上昇天堂衣食自然

二念帝王國主道化興隆庫序濟濟皇教恢弘威儀翼異普天所瞻民稱太平四夷賓

伏妖惡自滅賢聖日生

三念法師功德大建教化明達俱獲飛仙

四念同志學人早得仙道更相關度

五念元親和睦好尚仁義貴道賤財行為物耗

六念損已布施道士及飢寒者天下人民各

得其所

七念蠕動政行一切眾生咸蒙成就

八念赦賞前生今世罪對立功補過

九念家門隆盛宗廟有人世生賢才

十念尊受師經不敢中怠平等一心廣度一

切剋獲飛仙白日登天拜見太上永成真
人雲車羽駕和與道合真

存神燒香

香官使者左右龍虎君侍香諸靈官當令臣

建齋之所自然生金液丹碧芝英百靈眾具
交會在此香火爐前今臣學道得道求仙得
仙齋主受福幽顯當思十方仙童玉女侍衛
香烟傳臣向來所答速達徑御
太上元極大道至真玉皇上帝御前

出堂頌

回靜默堂

謝師

回向

靈寶領教濟度金書卷之二百五十六

靈寶領教濟度金書卷之二百五十七

洞微高士開光教苦真人竊金具授
靈寶通玄弘教水南先生林靈其編

科儀立成品禮壇道場用

午朝行道儀

燒香頌

各禮師存念如法

宣衛靈呪

丹靈朱火 炎霞激風 赤輪剛運 天光八衝

逆威包羅 交變萬方 流金豁落 群魔滅蹤

辟邪放妖 明耀元功 金符召制 躡雲乘龍

謠歌慶會 散花太空 神化冥運 四極安隆

伏御帝前 罔有不從 和與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者
嚴裝闕啓玄壇天帝神君當召此間土地里

域真官正神急上關啓臣今奉為入齊志以
今午朝行道願得玉清道炁靈寶妙炁下降